

Broj: 01/1- ____/16
Kakanj, __.08.2016.godine

Općinsko vijeće Općine Kakanj na svojoj ____ sjednici održanoj dana ____2016.godine, u postupku dodjele koncesije, koji se vodi po samoinicijativnom zahtjevu pred Ministarstvom za poljoprivredu, šumarstvo i vodoprivredu ZE-DO kantona, na osnovu člana 1. Zakona o dopunama zakona o koncesijama ("Službene novine Federacije BiH" broj: 61/06), članova 8. i 56. Zakona o principima lokalne samouprave ("Službene novine Federacije BiH" broj: 49/06) i člana 24. Statuta Općine Kakanj ("Službene novine Općine Kakanj", broj: 4/08), **d o n o s i**

O D L U K U

o davanju prethodne saglasnosti za dodjelu koncesije za izgradnju male hidroelektrane

Član 1.

Ovom Odlukom daje se prethodna saglasnost za dodjelu koncesije za izgradnju male hidroelektrane na postojećoj pregradi (brani) vodozahvata TE Kakanj na rijeci Bosni, na području općine Kakanj, instalisane snage 4560 kW, radi provođenja postupka dodjele koncesije.

Član 2.

Pri dodjeli koncesije i realizaciji prava utvrđenih ugovorom o koncesiji traži se poštivanje svih zakonskih ograničenja, kao i sprječavanje nastanka štetnih posljedica po druge subjekte i okoliš.

Član 3.

Ova Odluka stupa na snagu danom donošenja a naknadno će se objaviti u "Službenim novinama Općine Kakanj".

PREDSJEDAVAJUĆI OPĆINSKOG VIJEĆA

Slaven Katičić

O B R A Z L O Ž E N J E

Ministarstvo za poljoprivredu, šumarstvo i vodoprivredu ZE-DO kantona aktom broj: 05-25-5980-1/16 od 04.08.2016.godine traži saglasnost Općinskog vijeća za provođenje postupka dodjele koncesije u skladu sa članom 1. Zakona o dopunama zakona o koncesijama ("Službene novine Federacije BiH" broj: 61/06) i članovima 8. i 56. Zakona o principima lokalne samouprave ("Službene novine Federacije BiH" broj: 49/06). Općinsko vijeće lokalne zajednice na čijem se području dodjeljuje koncesija daje prethodnu saglasnost za provođenje postupka dodjele određene koncesije.

Shodno gore navedenom neophodna je saglasnost Općinskog vijeća na mogućnost dodjele koncesije male hidroelektrane na postojećoj pregradi (brani) vodozahvata TE Kakanj na rijeci Bosni, na području općine Kakanj, instalisane snage 4560 kW.

Kako je postupak dodjele koncesije pokrenut po samoinicijativnom zahtjevu JP Elektroprivreda BiH d.d. Sarajevo, koje je i dostavilo Idejno rješenje male hidroelektrane na postojećoj pregradi (brani) vodozahvata TE Kakanj na rijeci Bosni, na području općine Kakanj koje je urađeno od strane "HIGRACON" d.o.o. Sarajevo, sva eventualna pitanja i pojašnjenja na sjednici Općinskog vijeća dat će predstavnik gore navedenog preduzeća.

PREDLAGAČ

Služba za privredu, urbanizam i zaštitu okoline